

李文忠公奏稿

李文忠公奏稿

卷之六十一目錄

挪撥機器局經費片

光緒十三年十一月十一日

籌議朝鮮通使各國摺

光緒十三年十一月十一日
附朝王來咨

湘淮各軍少裁長夫摺

光緒十三年十一月二十六日

海防經費報銷摺

光緒十三年十一月二十六日
附清單

近省隄河工費片

光緒十三年十一月二十六日

漠河金廠章程摺

光緒十三年十二月初五日
附章程

南運河開各工請獎摺

光緒十三年十二月初十日

永定河仍擬堵築片

光緒十三年十二月初十日

機器局報銷摺

光緒十三年十二月十四日

鹽商捐濟鄭工片

光緒十三年十二月十四日

陳鼎錢鼎銘請附祀

光緒十三年十二月十四日

京城電報請獎片

光緒十三年十二月十九日

湖南捐助直賑片

光緒十三年十二月十九日

李文忠公奏稿卷六十一

全集一之六十一

桐城吳汝綸編錄

挪撥機器局經費片

光緒十三年十一月十一日

再天津機器局關係海防各軍後路根本前因每年應領戶部銀十二萬兩驟行裁停經費頓形支絀當經海軍衙門奏請仍由戶部於洋藥稅釐併徵項下每年撥給銀十萬兩俾免匱乏聲明此項未解到之先由臣暫行籌款辦理等因欽奉

懿旨允准在案誠以該局創設多年製造各種新式軍火尙能精利適用且常年供支北洋水陸各營及東三省熱河察哈爾並協撥他省爲數甚鉅又值創練海軍鐵艦快船陸續購集需用尤繁此局爲海軍取給之源若因經費不足停減製造深恐貽誤操防於

畿輔全局有礙故必妥籌接濟查該局現應定購銅鐵等項物料及大批硝斤木炭需銀八九萬兩又應找付各洋行前購料價需銀五萬兩又俟鑄錢機器運到應找價銀一萬餘兩又新藥廠工程磚瓦石料需銀一萬兩連冬臘正月局用薪工各項撙節核計共需銀十九萬餘兩以所收津東兩關四成稅銀劃抵尙不敷銀十餘萬兩實因本年停領部餉十二萬兩又添海軍衙門飭造昆明湖水操小火輪洋舢板礮划等船及運船所用輪車鐵軌各項並代製武備學堂鑑水計多出款三萬餘兩遂致萬難支拄戶部應撥洋藥稅釐一時既難解到自應由臣暫行挪撥以應急需惟北洋庫儲奇絀奉撥各省關之款欠解甚多應發軍餉等項不敷甚巨實屬無可勻籌今查有購買西洋火器案內各省解還出使經費現存支應局銀七萬九千五百五十一兩四錢九分八釐九

毫暫可移緩就急此本係奏撥購辦軍火價銀現因製造軍火費絀移用尙於事理不背且海軍衙門因機器局製造緊要經費不能短缺已奏奉

懿旨准由戶部於洋藥稅釐併徵項下歲撥銀十萬兩將來藥釐照數撥到仍可陸續歸還不過暫時挪移庶軍火要需不致停造而出使經費仍歸有著實與海軍衙門原奏撥項未到由臣暫行籌款辦理之議相符除仍飭樽節動支其餘不敷銀兩另再設法挪湊並分咨外理合附片具陳是否有當伏乞

聖鑒訓示敕下各衙門查照謹
奏

籌議朝鮮通使各國摺

光緒十三年十一月十一日

奏爲遵

旨與朝鮮國王籌商派使各國未盡事宜酌擬三端現准咨覆照辦恭摺仰祈

聖鑒事竊臣欽奉九月初三日

寄諭朝鮮派使各國體制交涉務歸兩全其未盡事宜仍著李鴻章隨時通問籌商務臻妥協等因欽此仰見

聖朝保全藩服無微不至欽感莫名遵卽電飭駐紮朝鮮辦理交涉通商事宜升用道補用知府袁世凱轉商該國應派駐紮公使不必用全權字樣旋於九月二十三日接據袁世凱電稟准朝鮮外署照稱奉國王傳教前派各使久已東裝如候由咨文往返籌商恐須時日請先電達北洋大臣籌覆並據該國王咨稱近年泰

西各國屢請派使修聘諸國幅員權力十倍朝鮮不可不派大公使惟派使之初未諳體制未先商請

中朝於派定後卽飭外署知照各國以備接待茲忽改派深恐見疑仍請准派全權公使前往待報聘事竣調回或以參贊等員代理庶可節省經費並飭該使至西國後與中國大臣仍恪遵舊制惟事恭謹等語辭意尙爲遜順臣覆加籌度更將有關體制者先與約定三端一韓使初至各國應請由中國大臣挈赴外部一遇有議會交際應隨中國大臣之後一交涉大事關係緊要者先密商中國大臣核示並聲明此皆屬邦分內之體制與各國無干各國不得過問當卽電飭袁世凱轉達該國王照辦茲復准該國王咨稱於十月杪飭駐美公使朴定陽駐英德俄意法公使趙臣熙先後前往所定三端並飭遵行咨請據情轉奏前來臣查朝鮮派

使往駐泰西本係無益虛名徒糜國用前奉

諭旨開示至爲精詳惟該國因原約有遣使互駐之條遂未先商請

中朝遽以全權公使報聞各國此時慮以改派失信自是實情既稱遣使後與中國使臣往來恪遵舊制臣所定擬三端又經遵行於屬邦事例並無違礙至所稱報聘事竣或以參贊等員代理以期節省經費亦係遵奉

諭旨審度預籌謹將該國王咨文一道照繕清單恭呈

御覽除分咨總理各國事務衙門禮部暨出使各國大臣外所有與朝鮮國王繕商派使各國未盡事宜酌擬三端現經照辦緣由理合恭摺具陳伏乞

皇太后

皇上聖鑒謹

奏

謹將朝鮮國王咨文一道照繕清單恭呈

御覽

朝鮮國王爲咨照事本年九月二十六日據外署督辦趙秉式啟稱竊於本月本日接准袁總理照會內開茲於二十四日戌刻奉文華殿大學士李覆電內開來電述韓王咨前派全權公使赴泰西各國已知照各國使報其政府未便月改使號使人見疑擬飭該使前往待報聘事竣調回以參贊代理節省經費並飭該使至西國後與

中朝大臣仍恪遵舊制惟事恭謹云云辭意遜順本大臣不能不曲爲體諒惟欽奉

上諭派駐之後體制交涉務歸兩全所有派往各國之員與中國往來均用屬邦體制其未盡事宜仍舊隨時通問籌商務臻妥洽

等因本大臣亟應預爲聲明有三端一韓使初至各國應先赴中國使館具報請由中國

欽差挈同赴外部以後卽不拘定一遇有朝會公讌酬酢交際韓使應隨中國

欽差之後一交涉大事關係緊要者韓使應先密商中國

欽差核示此皆屬邦分內應行之體制與各國無干各國不能過問卽

諭旨未盡事宜籌商妥協之意中國與朝鮮休戚相關各

欽差皆以名卿出使必能推誠優待韓臣該道應先照知外署轉達國王務飭使臣遵辦俟咨到再復各等因據此具見貴大臣仰

體

皇上字小之恩曲諒敝邦難便之勢俯允所請仍舊使號俾保信

義於天下不啟猜疑於鄰邦此後體制交涉無失兩全用能永安其社稷杜患夫煩言此皆貴大臣始終周全之至意也銘感之衷更何有既當卽於本月杪飭駐美全權朴定陽駐英德俄意法全權趙臣熙先後前往各敬厥職至貴大臣遵

旨妥籌三端悉心籌畫既周且詳尤爲欽佩除已飭外署照覆袁總理現行照辦並飭朴定陽趙臣熙遵行外相應備文咨謝卽希貴大臣查照轉

奏施行須至咨者

光緒十三年十月二十日

湘淮各軍少裁長夫摺

光緒十三年十一月二十六日

奏爲湘淮各軍長夫多裁必滋流弊實誤要防仍請每營步隊暫裁六十名藉濟工需免致大損軍實恭摺瀝陳仰祈

聖鑒事竊戶部前因豫省河工用款奏裁各省防營長夫臣等以湘淮各軍營制咸豐初年經前督臣曾國藩奏定刊發章程每營五百人額設長夫一百八十名勢不可少近值江海防務喫重祇能每營暫裁六十名業經會同覆奏奉

批旨著照所請該部知道欽此仰蒙

聖明體恤兵艱各營將士均深感服昨又經部議每營通裁九十名鈔奏知照前來伏查長夫之制有關兵事強弱自湘淮軍轉戰南北削平寇亂其得力在於勇額足而拔隊捷勇額足則力厚常以一營分紮兩壘故戰守足恃拔隊捷則赴機迅速不致賊退而

兵始來皆原於額設長夫分執廳重之役不使勇力過勞也曾國藩老於兵事所以爲

國家創法者用意實爲深遠議者謂長夫爲征兵而設防軍可以不用此僅因他省內地尋常分巡彈壓姑爲遷就之計非所論於海防江防也臣等所部各軍皆分紮濱江沿海要地各有修築洋式礮臺營壘及疏河墊道工程防所距城市或數十里或百數十里且多孤懸海外所需木石料物薪糧子藥均須隔海搬運動資長夫之力昔年行隊坐營皆用土鎗礮尙須多夫幫運近年因備外患所操鎗礮全係西洋精利之器卽如臣鴻章所部淮軍現領用後門鎗二萬餘枝後門大小礮共三百七十餘尊臣國荃所部湘營較少而用後門鎗礮亦多其子藥零件之笨重可按冊而稽各礮臺大礮每尊重者至數萬斤開花子母實心各彈重者至五

六百磅非數百人不能運一礮非十數人不能舉一彈較從前所用增至數十倍凡操後門礮自礮日至勇丁皆有應管之物應做之事缺一不可弁勇既須親操舂鍤做土工而練習鎗礮口令準頭又不能一日閒斷實與征兵勞苦無異其閒龐重雜役甚多若長夫太少運用不敷必致有器與無器等西洋營制每軍另有做工運物之人名曰工兵隊工兵卽長夫也用以築臺濬濠修路及一切力作而使正兵專練鎗礮各國若欲強兵斷無用兵而不用夫之理今我軍於練習鎗礮之外兼助土工一兵已作兩兵之用若併此有限長夫而過事裁減則勇亦人耳何能兼營並辦必致以月支之餉自行雇夫代役勇丁口食不收馴至逃散或且抽勇作夫正勇缺額疲弱不堪復蹈綠營無用之習此流弊之所必至者也查他省防營初無臺壘艱巨之工又不必練習西洋新式

鎗礮亦無湘淮各營利器之多其所處亦非濱江沿海險阻之地
情形本自不同勢難以彼例此臣等所部各軍向不准一名缺額
工操皆定程限嚴勤督責不使稍有疲懈務令技藝精熟士氣常
新一勇實得一勇之用蓋籌辦海防欲與洋人爭衡非治土寇可
比必須時加戒備方今強鄰環逼藩屬傾危豈可稍存僥倖無事
之心頓忘厝火積薪之誡部臣議裁長夫因鄭工需款藉省餉銀
以歸部墊自屬不得已之舉臣等仰體時艱不敢固執業已竭力
設法暫裁步隊每營長夫六十名遵自本年十一月初一日爲始
實係勉爲其難在各營弁勇方謂夫力減少恐誤工操而部臣又
議再裁三十名合成九十名若果事可遵行絕不肯再行陳瀆惟
是海防關係重大總理海軍衙門方奏令臣鴻章分派各軍設防
海外之大連灣威海衛等處興築伊始勇夫艱瘁萬狀正議增募

忽飭減裁若一減再減營中力不能辦將領無可驅迫弁勇臣又何以驅迫將領耶臣等久任兵事深知利鈍之機惟在作養士氣幾經苦心簡練始能成此勁旅儻裁夫過多則必過勞勇力致懈軍心殊不足以備緩急且卽再裁三十名每年節餉僅數萬兩所得甚少而所關甚大臣等再四體察不敢不據實上

聞實未便以一時歸墊工需致舉自強久遠至計況馭軍尤在守信臣等前奏奉

旨准之後業經通行各營欽遵若飭再減亦無以示信於軍士相應籲懇

天恩敕部仍遵前奉十月二十四日

諭旨將湘淮各軍每營步隊長夫暫裁六十名藉濟工需庶免大損軍實此係目前權宜應急之法未便永遠裁除俟河工事竣或

遇有戰事仍應照舊國藩刊章添足至淮軍因餉項不充未能按月發給足餉向來須俟年終連坐抵月餉之采辦米價通盤截算結欠尾餉若干彙冊造報陸續酌補此次暫裁長夫銀兩應按各營實發月分俟年終核明騰出現餉若干再行報部候撥又淮軍中每營勇數有不止五百名其長夫亦不止一百八十名者應按每五百人暫裁長夫六十名仍留一百二十名之數分別核計裁留又樂字營步隊向按淮軍營制用長夫一百八十名今應一律暫裁六十名此外如淮軍馬隊每營僅長夫五十名綏鞏軍步隊每營僅長夫一百四名提督朱慶毅軍步隊每營僅長夫一百名馬隊每營僅長夫六十名直隸練軍步隊每營僅長夫二十四名爲數本少卽直字營義勝營保陽軍步隊每營亦僅長夫一百二十名以上各營或扼紮沿海礮臺或遠駐海外之旅順口威海衛

同辦工操均屬勞苦既未逾奏定仍留一百二十名之數且有減至倍蓰者應與零星哨隊懇

恩一律無庸再裁以固軍心而昭公允所有湘淮各軍每營步隊仍請暫裁長夫六十名藉濟工需實難多裁緣由謹合詞恭摺陳伏乞

皇太后

皇上聖鑒訓示再此摺係臣鴻章主稿合併聲明謹奏

海防經費報銷摺

光緒十三年十一月二十六日

奏爲北洋海防經費光緒九十兩年收支各款分造戶兵工三部清冊並開清單報銷仰祈

聖鑒事竊北洋海防用款前經總理各國事務衙門會同戶部奏明由督辦大臣咨報總理衙門戶部查核嗣於光緒九年八月部議應三部分辦飭據海防支應局司道將光緒元年至六年收支各款另造三部銷冊並開清單奏咨准銷其七八兩年前亦照章造報現經戶工兩部分別核准行查已將行查各款另行聲覆奏咨所有九十兩年收支各款應卽接續造報據該局司道詳稱前已將九十兩年新支用款分年開單奏咨立案聲明舊有支款無庸再行立案嗣經戶兵兩部行查內有應歸戶部核銷之款奉兵部行查者有應歸兵部核銷之款奉戶部行查者有應開報細數

者有應聲明案由者有與八年以前核准之案情事相同比照核辦者現於造辦銷冊內逐款詳細彙敘此外九年分立案清單內開代發保定練餉局購買恩費爾來福兵鎗二千桿支銀四千二百四兩零司百林非兵鎗一千六百九十八桿支銀二千三百二十八兩零恩費爾來福馬鎗一千五百四十桿支銀四千九百二十六兩零洋皮紙一百三十一萬張支銀一千五百六十八兩零業經練餉局照數撥還歸款自行造報請銷無庸再行列作收放現已於造辦銷冊內將以上代發四款一併剔除計造報光緒九十兩年分舊管項下截存銀一百六十九萬八千四百六十二兩零新收項下各省關解到釐稅銀一百三十一萬一千六百九十六兩零又各處解還墊款及軍火價並提動淮軍協撥暨長蘆運庫撥款銀一百二十一萬三千六百五十一兩零開除項下應歸

戶部核銷銀三十二萬五千九百四十兩零兵部核銷銀七十三萬二千七百四十二兩零工部核銷銀二百二十三萬六千三百九十九兩零統計兩年共支銀三百二十九萬五千八十二兩零其餘銀九十二萬八千七百二十七兩零已接支十一年以後用項無存循案造具三部分銷細冊收支四柱總冊開具款目清單詳請奏咨核銷前來臣查九十兩年正值法人肇衅海防喫緊之時疊奉

諭旨嚴備戰守北洋爲

畿輔門戶由津沽以達山海關及奉天之旅順口山東之威海衛表延千數百里口岸林立節節空虛不得不竭力設法籌防以顧緊要門戶凡添練水雷魚雷各營增置大小輪船雷艇購買大批軍火礮械建築臺壘庫廠營房皆刻不可緩是以用款繁鉅且海

道梗阻采辦外洋軍械須由各國洋商設法購運方保無虞應需
保險迎腳等費因之增重各處臺壘工程同時並辦物料亦不免
居奇並須添募洋匠分投趕作其水師各船嚴飭加緊操巡領用
料件煤噸添置號衣旗幟均較往屆爲多卽各船終日行駛出沒
於洪濤巨浪之中輪機船身易致損壞其修費亦較往屆爲多此
因事機緊迫動關大局不得不爾至北洋收款向指部撥海防經
費一項九十兩年各省關釐稅減色又或留辦本省防務或勻撥
他處餉需報解愈形短少合計兩年收數尙不及額撥之半雖經
臣奏撥長蘆運庫銀十萬兩爲數有限若請部款籌撥旣難若借
洋債後累更重祇有自行設法移緩就急由淮軍餉歷年節縮欠
發項下分次協撥銀百餘萬兩以濟購辦鎗礮船隻等項要用幸
免貽誤惟北洋籌辦海防事屬創始一切支款誠如戶部前奏均

無專例專案可循且多與洋人交涉實非他項軍需章程可比然
每購一物製一器用一人臣必再三詳詢審察爲必不可少者始
行定議其價值等項尤必諮訪比核務求節省員弁薪糧則視差
事之繁簡爲等差不使濫支糜費茲查造九十兩年各款仍係實
川實銷並無絲毫浮冒除各冊分送三部外理合恭摺具陳並開
簡明清單恭呈
御覽伏乞

皇太后

皇上聖鑒謹

奏

謹將北洋海防經費自光緒九年正月起到至十年十二月底止收支款目繕列清單恭呈

御覽

舊管項下

一光緒八年底截存銀一百六十九萬八千四百六十二兩二錢五分二釐六毫二絲四忽一微

新收項下

一收江西釐金銀十一萬兩

一收浙江釐金銀十一萬兩

一收江蘇釐金銀八萬兩

一收湖北釐金銀四萬兩

一收浙海關洋稅局稅銀二十四萬五千二百三十八兩九錢三

分二釐

一收閩海關洋稅局稅銀十七萬六千五百二兩七錢四分四釐九毫

一收江海關洋稅局稅銀三十一萬五千二百九十一兩五錢九分六釐八毫

一收粵海關洋稅局稅銀十六萬一千一百七兩六錢六分七釐四毫

一收山海關洋稅局稅銀七萬三千五百五十五兩二錢九分

一收山東解還墊發鎮中鎮邊兩蚊船光緒八九兩年分經費銀四萬四千四百七十八兩二錢二分四釐九毫六絲四微

一收山部領回扣存吉林軍火價內應還北洋防費購辦鉛丸價銀五百六十九兩三錢五分

一收山西撥還軍械等項價銀一千三百七十三兩六錢七分四釐一毫四絲九忽六微

一收河南解還殺軍領用北洋防費購辦鉛丸價銀二百八十三兩九錢四分一釐

一收長蘆運庫劃解本省欠餉撥抵本省應還北洋軍火價銀二千三百六十六兩六錢四分四釐

一收淮軍歷次協撥購辦西洋鎗礮船隻等用銀一百六萬一千六十九兩九錢二分一釐二毫三絲二忽六微

一收奏撥長蘆運庫各款銀十萬兩

一收追繳浙興原領練餉成本餘款咨部獲准留歸北洋海防動

用銀三千五百十兩八分五釐三毫七絲六忽

以上共收銀二百五十二萬五千三百四十八兩七分一釐

八毫一絲八忽六微

開除薪糧及雜支項下

一直隸提督李長樂小隊員弁薪糧銀一萬六千三百二十八兩九錢四分二釐五毫二絲

一大沽水雷營弁兵薪糧柴草油燭紙張銀二萬七千一百五兩六錢七分五釐三毫三絲三忽二微

一北塘水雷營弁兵薪糧柴草公費銀八千四百五十八兩一錢四分五釐五毫

一山海關水雷營弁兵薪糧柴草公費銀三千七十四兩九錢三分二釐八毫

一旅順水雷營弁兵薪糧柴草公費銀八千三百六十六兩八錢六分五釐

一魚雷營弁兵學生工匠薪糧公費銀一萬五千四百十八兩六錢四分三釐三毫三絲三忽

一登榮水師艇船津貼薪糧公費銀一萬六千四百八十一兩九錢九分九釐六毫

一旅順口挖海接泥船薪糧銀一萬四千四百兩八錢三分九釐二毫

一大沽水雷營廣艇油修公費銀一百三十兩

一水師駕駛管輪兩學堂用費銀四萬六千一百四十二兩

一大沽水雷學堂教習學生脩金薪水養贍飯食川資銀一千六百六十一兩七錢一分三釐一毫四絲

一旅順工程局薪糧公費銀三萬八百十五兩六錢八分二釐九毫

一威海魚雷局薪糧銀二千二百三十五兩六錢

一北洋水師公所公費銀一千五百七十六兩六錢六分六釐六毫

毫

一礮船公所薪工公費銀七百四十七兩八錢三分九釐二毫

一煙臺水師養病公所經費銀六百八十兩八錢五分三釐六毫

六絲

一劉公島水師機器廠匠工藝徒薪工銀四千二百七十一兩五

錢九分九釐八毫

一魚雷廠員匠學徒薪費銀八千八百四十三兩二錢五分九釐

八毫

一威海衛機器廠魚雷庫料庫雷廠力勇什長口糧銀一千一百

八十七兩二錢四分

一旅順威海兩煤廠薪糧公費銀一千八十兩二錢一分三釐一毫

一威海旅順水師子彈火藥等庫人役薪糧公費銀六百四十三兩九錢四分六釐六毫

一旅順陸軍軍械庫官弁什長庫夫薪糧公費銀一千三百九十五兩一錢四分六釐四毫

一隨辦海防前山東布政司李元華薪水公費銀五百九十三兩三錢三分三釐三毫

一水師學堂練船事宜道員吳仲翔薪夫銀三千一百九十七兩九錢九分九釐二毫

一辦水師船塢營務處及緝譯事宜道員馬建忠薪夫公費銀二千六百九十三兩三錢三分三釐三毫

一機器製造局道員高麟薪水公費銀一千一百八十四兩六

錢六分六釐六毫

一水師營務處道員許鈐身薪水銀二百九十三兩三錢三分三

釐三毫直隸州知州羅豐祿薪水公費銀三千一兩六錢六分六

釐六毫知縣呂增祥薪水銀八十兩

一道員唐廷樞往法國巴黎坐探軍務電報費銀七百五十九兩

一錢二分二釐四毫九絲

一隨辦洋務道員馬聲煥薪水銀八百六十六兩六錢六分六釐

六毫

一道員朱鼎鏞赴廣西偵探軍務川資公費銀二百八十九兩四

錢九分一釐五毫

一機器製造局知府徐建寅薪水銀一百九十三兩三錢三分三

幣二毫

一直隸州知州羅豐祿奉派赴上海隨同議約川資公費銀二百四十八兩三錢二分七釐三毫一絲派赴朝鮮公幹公費銀一百九十二兩九錢九分四釐三毫一絲

一水師領餉委員知縣嚴道洪薪水銀六百三兩六錢

一洋務委員鹽大使馬復賁薪水銀六百八十兩

一經管魚雷庫廠委員從九郝雲書薪水銀三百五十四兩四錢

一北洋大臣衙門電報房學生柳漢秋津貼銀一百十兩三錢九

分九釐九毫

一水師調取試用候差學生陳兆渠等由閩粵來津川資銀六百

兩

一總理衙門繕譯福建赴上海供差川資銀四十八兩二錢四分

八釐六毫

一水師營務處繪圖學生陳興邦甘聯浩薪水銀八十九兩

一知縣魏瀚參將陳季同回閩盤費銀一百三十六兩二分四釐

一總理衙門調取繪圖委員陳文祺赴京供差薪水銀一百十七

兩三錢三分三釐二毫

一北洋水師統領提督丁汝昌薪夫辦公銀一萬二千二百九十

九兩九錢九分九釐九毫隨帶文武員弁司事繙譯兵夫薪糧辦

公銀六千二百七十五兩四錢五分九釐二毫

一派赴魚雷營學習魚雷提督吳建瀛薪水銀四百二十六兩四

錢副將謝櫟鎮薪水銀三百五十五兩三錢三分三釐三毫

一會辦北洋水師船塢守備羅臻祿薪夫銀二千四百五十九兩

九錢九分九釐二毫

一水師差遣都司陸倫康薪水銀二百六十六兩

一魚雷營委員參將嚴懷仁薪水銀三百三十一兩一錢九分九

釐四毫

一洋鎗隊教習查連標薪水公費銀七百九十七兩三錢三分三

釐三毫

一鎗礮隊教習劉芳圃袁雨春薪水銀一千五十七兩七錢九分

九釐二毫

一出洋學習武弁巫炳修川資薪水銀一千一百九十七兩八錢

一分七釐五毫七絲二忽

一會辦福建河州大臣張佩綸在津選派隨帶赴閩員弁護勇書識人等薪糧銀五百九十兩一錢八分六釐五毫操礮武弁王義才黃增祥赴閩差遣川資銀六十八兩八錢八分

一揀派水雷員升工匠沈若球等赴滇桂軍營差遣安家費銀二百六十二兩

一洋操鎗礮教習都司徐開元等赴廣西軍營川資銀一百五十兩

一出洋工匠龐玉順等四名由津赴德國川資銀一千一百六十二兩五錢六分五釐四毫

一水陸各營洋號總教習洋員畢格理薪水銀一千九百二十兩

一大沽水雷營教習洋員滿栗士薪水房租煤炭醫藥等費銀八千四百十四兩六錢四分九釐六毫六忽四微

一會辦北洋水師營務處洋員明亞薪水川資銀六千五百兩

一委辦旅順口礮臺工程洋員漢納根薪水馬乾川資銀九千六百四十兩

一天津練軍營教習隊伍洋員瑞乃爾薪水銀六千兩

一監造水師練船洋員法樂薪水川資費用等銀五百五十五兩

二分四釐五毫

一魚雷教習洋員哈孫克賴芝監工福來舍薪水路費銀一萬五千五百三十三兩三錢一分二釐四毫九絲三忽八微

一鎗礮正教習洋員鮑察薪水川資銀六千七百九十六兩一錢

三分三釐一毫三絲

一水師候差洋員丁齡薪水銀九十七兩五錢

一魚雷輪艇教習洋員區世泰半俸船價路費銀四百五十七兩

五錢

一水師練船帆纜教習洋員嘉格蒙由東洋來津川資銀二十四

兩六錢六分四釐六毫七絲二忽四微

一魚雷輪艇管爐教習洋員卜里士刻我領回國川資等項銀八十五兩四錢七分七釐八絲

一礮船總管輪洋員巴爾伯回國川資銀二百八十兩五錢

一礮船管輪洋員吉必勳回國川資銀三百兩

一礮船總管輪洋員德倫回滬川資銀三十兩

一越南陪臣范慎通等住津伙食及回國川資銀六百七十三兩

三錢一分四釐九毫二絲八忽

一揚威快船洋員韋斯敦回國川資銀三百四十兩六分

一水師總管輪洋員葛果德由煙臺來津川資銀二十四兩一錢

二分四釐二毫三絲

一超勇快船洋員哈必登回國川資薪水銀四百七十五兩五錢
洋員拜列亞回國薪水川資銀四百十兩五錢

一水師總查洋員琅威理回國川資銀六百五十兩

一雇募水師總教習洋員倪樂順來回川資銀九百兩

一水師學堂正副管輪教習洋員霍克爾希耳順薪水川資銀三千二百三十九兩八錢三分三釐九毫八絲

一水師管輪洋員葛果德拜列亞由威旅來津川資銀七十兩二錢一分七釐八毫

一魚雷督操教習洋員密勒克薪水藥費銀一千一百七十五兩

一礮臺教習洋員額德茂薪水川資銀一千四百六十七兩四錢九分

一粵海關稅務司德堪琳奉調來津隨辦法國交涉事務川資辦公費銀一千三百二十八兩三錢二分一釐九毫四絲

一委辦操演魚雷事務道員劉含芳建造威海衛金綫頂山下魚

雷廠庫學堂泊岸碼頭等項購用民地九十一畝五分網口地四
合共價銀一千七百七十四兩三錢一釐建造威海衛劉公島水
師機器廠屋等項購用民地三十八畝價銀一百六十七兩三錢
八分四釐

一正定練軍差操馬乾銀六百九十兩

一新城葛沽營拉礮車馬乾銀七百三十八兩

以上各款應歸戶部核銷

開除養船及運保費項下

一鎮北礮船薪糧公費樂資銀二萬四千九十七兩二錢九分九

釐八毫

一鎮南礮船薪糧公費樂資銀二萬三千六百五十四兩四錢九

分九釐八毫

一鎮東礮船薪糧公費藥資銀二萬四千九十七兩二錢九分九

釐八毫

一鎮四礮船薪糧公費藥資銀二萬三千六百五十四兩四錢九

分九釐八毫

一鎮中礮船薪糧公費藥資銀二萬四千九十七兩二錢九分九

釐八毫

一鎮邊礮船薪糧公費藥資銀二萬三千六百五十四兩四錢九

分九釐八毫

一超勇快船薪糧公費藥資銀六萬九千三百六十四兩六分六

釐五毫

一揚威快船薪糧公費藥資銀六萬六千一百八十六兩三錢九

分九釐九毫

一威遠練船薪糧公費藥資銀四萬八千三百九十三兩六錢四分九釐五毫

一康濟練船薪糧公費藥資銀四萬五千九百九兩七錢九分九釐九毫

一海鏡輪船薪糧公費銀二萬六千四百三十三兩五錢三分二釐八毫

一水師屯船薪糧公費藥資銀六千一百三十三兩三錢三分二釐六毫

一水師督船大二副管旗人等薪糧銀二千一百九十四兩二錢六分六釐六毫

一水師添練水手口糧銀三萬九千二百四十四兩九錢九分九釐九毫軍樂樂童口糧雜費銀五千五百五十九兩五錢九分九釐九毫

釐二毫

一威遠練船學生鄺國光等薪水伙食銀二千六百四兩九錢三分二釐八毫

一水師試用學生陳恩濤等薪水銀四千一百六十一兩七錢三分三釐員弁陳世杰何金城薪水銀九百四十六兩

一水師投效學生池兆濱陳大懿薪水銀三百四十四兩九錢九分九釐八毫

一水師續調試用候差學生陳兆渠等薪水銀三千三百四十三兩二錢九分九釐八毫

一水師總查洋員琅威理薪水銀一萬二千六百二十兩隨帶洋員愛斯德飯食銀一千六十七兩九錢二分三釐五毫

一揚威快船總醫士鮑德均購藥用費銀三百二十九兩三錢二

分二釐五毫五絲

一六鎮礮船總管輪洋員巴爾伯薪俸銀二千八百兩總教習洋員葛雷森薪水銀二百五十四兩二錢六分七釐五毫

一鎮北等四船教習洋員吉必勳薪水銀三千八百五十七兩二錢三分七釐九毫七絲五忽

一水師練船帆纜教習洋員嘉格蒙薪水銀一千九百九十八兩五錢四分二釐五毫五絲

一六鎮礮船總管輪洋員德倫薪水銀四百五十兩

一水師總教習洋員倪樂順薪水銀一千八百八兩三錢三分三

釐三毫

一快馬小輪船薪糧銀七千六百五十二兩七錢三分二釐五毫

一飛霆小輪船薪糧銀五百六十七兩二錢三分三釐三毫

一利順小輪船薪糧銀五千四百八十三兩三錢一分六釐六毫
一導海機器輪船薪工公費銀一萬二百四十七兩七錢三分三釐

一旅順口借用招商局海順小輪船薪工等項銀五百一兩五錢五分七釐一毫七絲四忽

一旅順挖海機器船辛工銀三千一百八十五兩六錢九分九釐九毫

一管理挖海機器船洋員勒威薪水銀二千四百兩

一水雷輪艇薪糧公費銀二千一百十五兩五錢九分九釐六毫

一巡雷淺水小輪船口糧銀一百九十五兩六分六釐六毫

一守雷下雷小輪船兩號薪糧銀一萬二百八十二兩七錢九分

九釐二毫

一左隊一二號右隊一號大魚雷輪艇薪糧銀三千八百九十五兩二錢六分六釐六毫

一右隊二三號中魚雷輪艇薪糧辦公紙張油燭銀八千九百六十六兩七錢九分九釐四毫

一魚雷輪艇教習洋員區世泰薪俸伙食銀九百九十五兩六錢九分五釐六毫八絲

一水師各船艇公所及雷營華洋員弁司事水手人等卹賞銀一千八百八十七兩七錢七分一釐八毫

一威遠練船赴廣東香港操巡雇用引水辛工等項銀一百二十三兩七錢一分二釐七毫

一購浚河船並起重架駛送來華用費銀二萬八千八十二兩六錢四釐三絲四忽五微

一購大魚雷艇並配設雷箭等項驗運保險等費銀七千四百三十四兩八錢八分七釐七毫八忽七微

一續購塞們德士並砂樣船價驗保等費銀八千三百二十一兩三錢八分一釐一毫八絲七忽八微

一購八生脫七口徑後膛鋼礮並各種子彈驗運保險等費銀九百六十五兩八錢三分九釐六絲三忽五微

一購二十一生脫後膛長礮十五生脫後膛長礮並礮架隨件軌道及各種子彈驗運保險等費銀一萬一千五百四十一兩一錢五分三毫四忽三微

一購十五生脫及二十一生脫礮內函礮並子壳引火等件運保等費銀一百十七兩三錢四分三釐一毫六絲三忽六微

一購魚雷營佩刀連皮帶運保等費銀六兩二釐八毫三絲一微

一購七生脫半過山鋼礮並塞們德土續支驗運保險等費銀二千六十八兩八錢七分七釐三毫三絲

一購修儲魚雷廠棧器具全副運保等費銀二千五百二十兩三錢二分九釐一毫九絲八忽六微七纖

一購毛瑟後門鎗用螺絲螺鎗裝卸器驗運保險等費銀四百四十六兩四錢三分八釐九毫九絲七忽五微

一購荷礮炸彈驗運保險等費銀三千五百三十九兩五錢一釐四毫六絲五忽九微

一購地雷並爆藥引火膠管零件等項驗運保險等費銀一千六十四兩九錢三分一毫三絲一忽

一購魚雷頭銅帽引火柏藥管運保等費銀九十四兩三錢五分七釐一毫三絲一忽

一購獵隊兵釘連皮件並配鎗子驗運保險等費銀四百八十七兩三錢一釐七毫一絲八忽二微二纖

一購二十一生脫臺架礮八生脫車輪礮並子彈運保等費銀三萬七千九百八十四兩一錢二分三釐六毫七絲四忽五微

一購十五生的密達銅箍後膛田雞鋼礮並零件架座子彈拉火等項運保等費銀四千三百二十一兩五錢二分四釐五毫三絲三忽一微

一購新造魚雷巨艇並配設雷箭等項驗運保險等費銀三千四百九十九兩八分六毫三絲

一購陸軍礮臺所用燈驗運保險等費銀一千八百二十兩五錢四分五釐七毫九絲一忽五微

一購大沽等處水雷營應用直測鏡電綫膠漿膠帶鋼綫刀鉗電

表電機等項運保等費銀一千六百二兩六錢四分五毫六絲一忽

一軍械所起卸駁運礮位軍火器械車船夫力銀一千七百三十一兩八錢五分三釐五毫一絲二忽八微

絲

一招商局輪船由上海裝運礮彈礮架什物等件來津水腳銀九百兩五錢二分一釐七毫四絲由津裝運洋鎗子彈赴上海水腳銀八百十八兩六錢五分七釐三毫六絲七忽由津運礮位及礮架木信等件赴山海關水腳銀一千一百十兩九分四釐九毫三絲

一水師學堂由閩挑選學童孫筠等並護送委員嚴寶珪附搭輪

船來津水腳銀三百六十六兩二錢八釐一毫

一運送慶軍舢板礮船弁勇等由津赴煙臺輪船水腳並由煙臺赴朝鮮行裝用費銀二百十兩二錢五分五釐四絲

一旅順工程局雇募天津民夫并押送員弁專雇招商局輪船運送赴旅水腳銀二千一百三十二兩九錢六分五釐二毫六絲遣撤雇募民夫並押送洋兵弁兵專雇招商局輪船運送回津水腳銀一千二百十兩三錢七分九釐六毫

一招商局輪船裝運武毅右軍五營官弁勇夫並馬匹軍米子彈軍械等項由滬赴粵水腳銀二萬七千五十七兩六錢四分裝運吉林防軍步隊五營官弁勇夫由營口來津水腳銀七千九百八十兩

一南北洋公租英國商輪船遞送臺灣文報應付一箇月一

半租價銀一千九百十六兩五分八釐三毫九絲

一招商局輪船由上海運二十四生脫後膛礮並臺架赴旅順水
脚銀二千五百五十九兩四錢一分五釐由津運十五生密達後
膛礮並架座車輪子彈等件赴山海關旅順口等處水脚銀六百
九十四兩三釐由津運五分徑格林礮並礮車子彈暨毛瑟鎗用
簞子壳鈎佩帶及起重架等項赴旅順口水脚銀一千六十四兩
一錢二分八釐六毫四絲二忽由津搭運過山礮格林礮荷乞開
司礮後膛礮並架座子彈魚雷水雷等項赴旅順口山海關等處
水脚銀八百五十七兩五錢三分五釐六毫由上海運哈乞開司
鎗桿並鎗子皮件魚雷礮子等項赴旅順口水脚銀二千三百三
十六兩五錢六分八釐八毫二絲六忽九微由津裝運撥解旗桂
軍營士乃得兵鎗佩帶鎗子過山礮沈雷等項赴上海轉解廣東

水腳銀三千六百五十五兩七錢九分三釐四毫八絲由津赴朝鮮專運撤回慶軍三營官弁勇夫回駐金州水腳銀五千六百六十八兩九錢七分六釐二毫三絲四忽一微由津運礮位並礮架等件赴煙臺水腳銀一百三十二兩九錢八分四釐六毫由津運礮位子彈兵鎗鉛丸等項赴旅順口山海關等處水腳銀一千一百八十六兩一錢二分八釐一毫由津專送哲辦臺灣軍務劉銘傳暨隨帶官弁人等並軍裝等項赴上海水腳銀二千五百三十五兩三錢一分由津裝運撥解臺防礮雷及零物並礮子等項赴上海水腳銀一百八十兩二錢四分七釐九毫九絲由津運八生脫鋼礮並子彈礮藥鎗藥鉛丸銅帽旱雷鐵路等項赴山海關旅順口等處水腳銀三百八十五兩三錢四分六釐七毫由津裝運撥解粵省林明敦鎗子赴上海水腳銀七百四十七兩九錢七釐

六毫由津運洋藥鎗子拉火火箭鉛丸藤袋等項赴山海關水腳銀四百八十五兩二錢八分四毫二絲三忽由津運魚雷廠鐵路赴旅順口水腳銀三百三十兩五錢七分三釐九毫三絲五忽由津運撥解靈軍洋鎗並管解員弁赴上海水腳銀二百五十六兩五錢由津運續撥靈軍洋鎗並銅帽拉火暨管解員弁赴上海水腳銀二百四十三兩七錢五分

以上各款應歸兵部核銷

開除采買及修製項下

一購二十一生脫後膛長礮十五生脫後膛長礮並礮件隨件軌道及各種子彈價銀七萬六千五百一十一兩一錢七分六釐三絲八忽二微

一購十五生脫及二十一生脫礮內兩礮並子壳引火等件價銀

三千七百十二兩四錢二分九釐六毫六絲九忽四微

一購一寸徑鋼鐵礮彈價銀七千五百二十二兩五錢一分七釐五毫七絲二忽

一購八生脫七口徑後膛礮並各種子彈價銀七千七百七十三兩七錢四分五釐二毫二絲四忽一微

一購大魚雷艇並配設雷筒等項價銀六萬四百四十八兩九錢二釐七毫八絲六忽五微

一購浚河船並起重架價銀十四萬二百十七兩九錢八分八釐四毫七絲五忽五微

一購自造一寸徑子彈機器價銀八千九百七十四兩八錢三分七釐七毫六絲二忽

一購管爐汽機及造三十七密里荷礮子各機器並配各種堅鋼

刀杆及量試校正各機器製造羣子暨四十七密里五管荷礮子
各機器定價銀二萬一千五百二十八兩八錢一分五釐九毫五
絲

一購洋鋏並圖說價銀二百六十四兩二錢三分六釐七毫五絲
八忽一微

一購魚雷營佩刀連皮帶價銀六十二兩七錢三分四釐八毫四
絲一忽一微

一購鋼鋏並皮帶皮套價銀一萬一千三十五兩一錢八分六釐
八毫七絲

一購馬步隊洋號價銀三百八十九兩八錢二毫五絲一忽

一水師總查洋員琅威理在滬購買辦公洋紙筆墨等件價銀九

十三兩四錢一分四釐五毫

一購腳踏車牀價銀四百二十三兩四錢

一購四寸口徑吸水機器價銀六百七十八兩一錢六分三釐二

毫四絲

一購十寸口徑吸水機器價銀二千兩二錢七分一釐一絲六忽

一購挖泥筒兜價銀一千六百十四兩一錢四分四釐五毫四絲

六忽

一購挖石筒兜價銀一千七百十五兩七錢七分七釐三毫

一續購塞們德士並砂樣價銀九千七百三十二兩二錢五分七

釐六絲二忽八微

一購蘇口袋價銀八百七十一兩八錢三分九釐六毫

一購超勇揚威威遠三船各洋員應用外國器具銀二百二十二

兩八錢八分三毫七絲

一購十五生的密達銅箍後膛田雞鋼礮並零件架座子彈拉火等項價銀二萬八千八百一兩一錢六分三釐四毫一絲六忽九微

一購天氣表對表地平四遊儀價銀四百十三兩四錢四分一釐六毫

一購天地球化學格致入門器具航海圖洋書等項價銀四百四十一兩一錢三分七釐七毫

一購駕駛學生應習各種洋書價銀七百二十六兩一錢四分八釐

一購印字小機器全副價銀一百九十二兩一錢三分九釐

一購畫具圖板畫尺湯汽表洋書價銀六百四十一兩七錢四分

三釐九毫七絲

一購雙眼瞭遠鏡畫圖器具水平儀定價銀五百三十九兩三錢
一撥用河南采辦過山礮並開花彈子格林礮並彈子子盒價銀
一萬七千八百三十三兩二錢三分五釐八毫三絲二忽三微采
購七箇半生脫後膛鋼礮連車架零件並配子彈價銀一萬九百
四十三兩七錢一分二毫

一購水師應用洋書畫具價銀二百七十二兩四錢七分六釐二
毫六絲

一購水師各船應添十二磅後膛礮並子彈礮塞礮準通管輪軸
水衣價銀一萬九千八百兩八分八釐一毫一絲六忽

一購吉利司林油漆水火酒價銀一百六十一兩三錢八分七釐
六毫三絲

一購水師應用邊礮藥袋銅藥瓶弔燈漆紗等項價銀二百六十

一兩七錢五分四釐二毫二絲一忽

一購寒們德士價銀二百四十二兩一錢七分七釐六毫七絲

一購六寸四分徑撲爾梭美答吸水機器價銀三千四百二十三

兩九錢八分八毫五絲

一購電機電綫電匙價銀五百三十七兩六錢五分九釐九毫六

絲四忽

一購直測鏡電綫膠漿膠帶鋼綫刀鉗電表電機等項價銀一萬

四十七兩三錢四釐五毫七絲九忽

一旅順水雷營需用電報機器價銀七百二十六兩三錢七分七

釐五毫

一購雙綫麻袋價銀二千四百九十二兩四錢五分九釐二毫九

絲四忽

一購外國醫治鎗傷藥物器具價銀一百四十四兩九錢三分三釐六毫

一購洋皮紙價銀四千六十三兩六錢八分九毫八忽

一購青鉛並鑄造鉛丸鉛箭製造木箱等項價銀一萬七千八百六十五兩四錢八分八釐七毫五絲四忽二微

一購地雷並炸藥引火膠管零件等項價銀八千三百八兩四錢六分三釐七毫九絲九忽

一購魚雷頭銅帽引火棉藥管價銀三千三百八十三兩七錢二分九釐三絲九忽

一購舊夾板船價銀一千四百九十兩七錢九分七釐八毫四絲三忽

一購九箇生的密達後膛陸路鋼礮連礮架子藥車又子彈價銀

四千五百七十兩三錢八分四釐

一購八箇生的密達後膛陸路鋼礮連礮架子藥車並配子彈拉火藥袋價銀三萬三千七百三十二兩四錢七釐三毫三絲二忽五微

一購卑門丁汕鍍電綫熟牛皮價銀四百九十六兩三錢四分三釐六毫九絲三忽

一購蓬布百度寒暑表洋磅價銀一百三十四兩八錢六釐八毫
一機器局光緒十年分撥發守雷下雷小輪船領用各項料物價銀二千九百六十七兩六錢七分七釐

一購二十一生脫臺架礮八生脫車輪礮並子彈價銀十三萬五千二百二十七兩七錢一毫八絲八忽五微

一購醫治傷病外國藥料器具價銀一千九百二十九兩九錢四

分三釐五絲

一代辦各營備用醫傷行牀價銀三百四十兩六分

一魚雷營購用各項料物價銀一千四百四十一兩二錢二分七

釐二忽

一購太平圖水火燈價銀八十兩二錢九分五釐

一水師總管輪洋員代購水師小機器廠應用外洋機器價銀三

千六百七十七兩四錢三分四釐三毫九絲一忽六微

一旅順工程局歷發挖海接泥船領用各項料物價銀六百二十

四兩四錢五分八釐二毫

一光緒八年分訂購燐銅魚雷我價銀四萬四千一百九十九兩

四錢七分八釐四毫三絲二忽

一續購燐銅魚雷定價銀一萬一千四百三十二兩二錢八分六

毫

一水雷營洋教習代購學生應用洋紙鉛筆墨水刀鉗價銀七十
七兩五錢六分七釐四毫

一購小鐵路價銀二千八百七十七兩五錢

一購二十四生脫三十口徑後膛鋼礮並礮架零件千金柱開花
彈拉火價銀二萬六千五百三十四兩八分六釐

一購二十四生脫三十五口徑及二十五口徑十五生脫三十五
口徑及二十五口徑大礮並子彈拉火價銀九萬二千二百九十
兩二錢六分五釐一毫

一購製造艇鵠全器價銀二萬七千八百三十兩九錢八分三釐
九毫六絲五忽二微

一購七生脫半陸路後膛鋼礮連車架藥彈箱車並配子彈拉火

又哈乞開司後膛六響步兵鎗連佩帶並配鎗子定價銀六萬八千七百六兩三錢五分四毫

一購電綫號鐘直斜測鏡變力表試信表鐵箱電報機器乾電表鋼繩印度膠夾鉗洋刀作得膠接綫器具定價銀五千二百九十一兩九錢九分八毫

一購大銅帽價銀二千一百八十九兩七錢八分一釐

一購獵隊兵鎗連皮件並配鎗子價銀四千六百六兩五錢一分二釐四毫八絲三忽七微八纖

一購百尺大魚雷艇並配設雷筒等項由鐵艦裝運回華價銀六萬九千八百三十七兩二分九釐六毫五絲七忽六微

一購修儲魚雷廠棧器具全副價銀二萬七千兩九分一釐三毫六絲五忽一微三纖

一購毛瑟後門鎗用螺釘螺鏤裝卸器價銀二千九百七十六兩七錢三分五釐三毫五絲四忽六微

一購荷礮炸彈價銀二萬八千六百三十一兩四錢五分二釐九毫二絲三忽一微

一購陸軍礮臺所用電燈價銀七千九百三十四兩六分二釐二毫八絲八忽五微

一購新造魚雷巨艇並配設雷筒等項價銀三萬六千七十五兩七錢四分二釐四毫三忽六微

一購馬梯呢鎗子價銀一千八百九十三兩二錢四分八釐一毫四絲

一魚雷營洋教習代購操演魚雷備用物料器具價銀三千一百十七兩九錢八分四釐三毫

一購魚雷學堂應用器具價銀一千十一兩六錢五分四釐一毫
一旅順工程局購備挖泥船需用牛油羊絨棉紗繩索及器具用
物等項價銀九百二十八兩三錢八分四釐九毫九絲

一大沽船陽光緒八年冬季油漆修鎮北等並威遠等船又添備超
揚兩船料件銀三千四百八兩七錢九分一釐撥發油漆修魚雷艇
應用油漆等物價銀二百五十七兩六分八釐三毫五絲

一水師統領修改艇船舢板並添配繩索什物等項工料銀五百
五十九兩二錢九分五釐三毫

一超揚兩快船光緒九年分赴上海耶松洋廠油漆船底並添配
各件工料銀六千八百九十三兩一錢二分四毫四絲

一大沽船陽修理登瀛洲兵輪船工料銀八百四十七兩三錢三

分二釐二毫

一快馬小輪船應行置備各項物料銀九百三十九兩三錢三分

二釐一毫一絲

一大沽船隔製給挖泥船需用物件銀四千二百七十六兩七分

八釐三毫五絲六忽

一大沽船隔光緒九年春季修理六鎮礮船超揚兩快船威遠練船並添製備用料件銀六萬九千一百八十九兩二錢四釐五毫六絲

一製造新浮橋船修理舊浮橋船工料銀二千三百二十四兩九

錢六分七釐七毫

一大沽船隔裝配海鏡輪船礮位工料銀五千二兩八錢六分一

釐一毫四絲六忽一微

一機器局光緒九年分撥發守雷下雷小輪船領用各項料物價

銀二千三百六十四兩二錢製魚雷艇需用料物等件銀三百七
兩三錢七分五釐撥發四鎮礮船領用各項料物器具價銀一千
六百五十四兩五錢五分造朝鮮防軍需用舢板船工料銀七百
三十三兩七分五釐四毫

一超揚兩快船光緒八年分在上海耶松洋廠油修船底工料銀
八千三百十八兩三錢六分六釐八毫七絲九忽五微

一建造水師學堂操場需用大桅工料銀一千三百四十九兩七
錢八分二釐九毫製造水師兵船需用鎗靶工料銀四百二十八
兩九錢四分九釐一毫四絲五忽

一行營製造局仿造運土輪車工料銀一千一百十六兩九錢九
分二釐二毫製造大洋鐵礮上下架並零件工料銀二千一百十
九兩一錢七分四釐

一軍械所製辦旅順口挖泥接泥各船匠工人等油帽雨衣工料銀八十六兩四錢九分六釐八毫

一水師統領製給屯船挖泥船艇船操江輪船各水手號衣褲等件及購給威遠練船各學生絨毯等件價銀一千六百五十兩一錢六分三釐三毫

一機器局撥發大沽北塘電報房及水雷營領用物料等項價銀六百六兩四錢二分五釐

一水師統領修理大沽礮船公所並添造旅順口水師營屋工料銀四百二十兩八錢四釐七毫八絲六忽二微

一水雷洋教習挑挖艇隄及代製水雷營學堂需用寫字檯書架等項工料銀七十兩七分六釐九毫七絲八忽

一額撥行營製造局仿造呔啫士得鎗子及格林礮子彈經費銀

九萬六千四百九十七兩一錢五分三釐三毫

一大沽船隔油修魚雷水雷營小舢板並添配繩索傢具篙槳等
項工料銀一百十七兩六錢三釐九毫七絲六忽製造旅順水雷
營施放水雷弔竿並輪盤鐵座全副工料銀一千二百七十八兩
三錢三分六釐四毫修理旅順工程局挖泥吸水等機器鍋爐工
料銀一千四百五十兩八錢六分七毫五絲五忽製造收射魚雷
小火輪舢板內配換鍋爐工料銀一千六百三十三兩二錢二釐
七毫四絲合攏大魚雷艇工料銀一萬七百二十七兩六錢七釐
八毫三絲三忽製造飛霆鐵壳小輪船並添配轉盤千金架帶火
機器等項工料銀一萬四千六百七十二兩七錢八分六釐七毫
一絲三忽四微修改康濟巡船作為練船工料銀四萬二千八百
五十四兩五錢八分二釐九毫三忽七微製造大沽礮臺小鐵路

工料銀五百九十二兩七錢九分六釐五毫修配瓦瓦司礮架工
料銀九十八兩五錢三分七釐一毫修理旅順工程局借用招商
局海順小輪船工料銀一千九十四兩八錢一分八釐一毫三忽
製造威遠練船及四鎮礮船需用舢板船工料銀四千八百五十
九兩二錢二釐九毫三絲四忽修理操江輪船工料銀二千一百
八十七兩六錢六分七釐七毫修理利順小輪船工料銀一千九
百四十五兩六錢三分三釐五毫製造康濟練船需用大舢板工
料銀六百七十六兩七錢二分一毫製造巡雷淺水小輪船工料
銀二千八百十五兩七錢一分二釐六毫三絲六忽
一超揚兩快船光緒十年分赴上海油修船底並添備應用料件
銀七千一百四十一兩九錢四分四毫六絲四忽
一大沽船陽光緒九年秋季油修六鎮礮船及威遠練船海鏡輪

船並添置備用料件銀一萬八千一百三十三兩八錢六分六釐
六絲二忽十年春季油修六鎮礮船並領換修配物件等項銀九
千六百四十五兩六分三釐五毫修理海鏡輪船工料銀二千四
百八十五兩五錢六分四釐四絲五忽十年秋季油修六鎮礮船
工料銀五千二百十七兩四錢二分八釐三毫九絲

一大沽船隔製造飛鳧鐵壳小輪船工料銀一萬二千三百二十
一兩一錢三分三釐

一大沽船隔添建存儲機具等項廠屋工料銀一千三百五十兩
九錢六分二毫

一大沽船隔製造旅順水雷營需用十四槳舢板船並添配放雷
弔竿工料銀一千一百二十九兩九錢一分四釐一毫二絲製造
北塘水雷營需用八槳舢板船並添配水雷架杆工料銀一千四

百二十兩八錢九分三釐六毫製造威海魚雷需用十四槳舢
板船工料銀六百五十四兩二錢二分八釐五毫製造威海魚雷
營需用八槳舢板船工料銀三百九十三兩八錢九分一釐七毫
製造山海關水雷營需用十六槳大舢板船並添配演雷架竿工
料銀一千六百七十三兩八錢五分九釐

一大沽船塢修改水雷輪艇機器添設放雷桿架作為桿雷輪艇
工料銀四千三兩一錢一分九釐八毫

一正定練軍洋教習代製甯海城臺牆礮門安設洋式棉包工料
銀一千六百十五兩四錢七分四毫二絲四忽

一旅順工程局監工洋員代造碼頭需用起重船工料銀四百十
兩七錢六分六釐九毫

一魚雷營洋教習代製弁兵學生工匠人等單夾棉官衣號衣雨

衣靴帽包巾草帽絨巾席簾洋氈等項工料銀一千九百五十七兩六錢六分七釐七毫五絲八忽

一旅順護軍營洋教習代製礮臺應用外國篷布礮衣傢具木箱工料銀一百三十七兩二分三釐二毫

一軍械所製給駐守旅順礮臺弁勇油布雨帽衣褲工料銀二百十五兩六錢六分四釐七毫

一大沽協製造阻遏海口輦木筏工料銀三萬五千八百八十四兩一錢二分三釐五毫四絲五忽一微

一行營製造局製造大沽南北岸各礮洞門外排釘鐵埽帚工料銀四千二百四十五兩六錢五分八釐六毫六絲修補北塘海口浮橋渡船工料銀二千二百四十兩二錢一分七釐八毫六絲五忽九微製造鐵擋牌工料銀二千六百五十三兩五錢四分六釐

三毫

一大沽水雷營洋教習代製洋鋤洋鋤工料銀二十三兩八錢二分一釐六毫六絲一忽

一水師學堂添建機器廠過道亭房屋圍牆工料銀七千二百八十三兩七錢二釐七毫

一山海關水雷營建蓋營房營門出庫工料銀一千四百九十四兩二錢二分四釐二毫六絲

一天津電報官局安設津沽北塘至山海關電綫經費銀三萬一千九百六十一兩三錢八分八毫五絲

一旅順工程局添建黃金山礮臺藥庫工料銀三百七十八兩八錢三釐七毫五絲修築黃金山礮臺圍牆外加培素土添栽草皮並做水溝旱井修理兵房工料銀二萬一千九百十二兩七錢五

分七釐五毫

一護軍營添築黃金山礮臺石圍牆並修造礮盤更棚工料銀一千二十九兩五錢四釐

一威遠練船管帶官建築旅順口西岸小土礮臺並子藥庫官兵住房工料銀三千四百二十五兩六錢七分二釐五毫

一旅順工程局建造鐵子營礮臺並子藥庫官兵住房工料銀六千三百九十三兩四錢一釐添建黃金山西崗田雞礮臺並子藥庫兵房工料銀一千七百五十四兩六錢排造大渡船工料銀七百二十二兩四錢九釐建造旅順口西岸營牆並藥庫工料銀一千五百八十七兩二錢三分九釐五毫代製水師輪船需用擋雷鐵網工料銀三百八十兩添築黃金山礮臺外石根牆工料銀一千九百二十五兩五錢八分五釐四毫

一設軍營建築旅順口東岸人字礮牆並望臺水雷門營門子藥庫工料銀四千三百二十四兩七分一釐八毫

一旅順工程局建造白玉山後水師子藥庫軍械庫陸軍藥庫水雷庫看庫住房存煤廠棚看煤住房存儲帆纜等物廠屋圍牆石路工料銀一萬六千八百八十一兩一錢七分五毫二絲五忽

一道員劉含芳建造威海衛金綫頂山下魚雷廠庫學堂房屋石圍牆泊岸碼頭工料銀三萬一千四百七兩六錢三分五釐四毫

一旅順工程局建造餛頭山礮臺並子藥庫信子庫傢具庫大門兵房土牆子牆石圍牆碼頭工料銀二萬九千四百九十兩二錢四分五釐

一道員劉含芳修築旅順老虎尾山根起至黑蝦溝東岸止大石路並枝路工料銀三千二百四十五兩六錢九分八釐建造旅順

黑蝦溝魚雷庫廠機器廠子藥庫煤廠學堂住房圍牆泊岸雷橋
工料銀二萬二千七百九十六兩六錢六分九釐三毫建造威海
衛劉公島水師小機器廠屋住房圍牆水井工料銀六千八十兩
六分八釐三毫七絲

一護軍營修築黃金山礮臺土護牆石圍牆工料銀八百三十兩
一旅順工程局估建嶗嶸嘴礮臺並子藥庫糧食器具庫礮房大
門根牆官兵住房工料銀三萬五千兩

一魚雷營洋教習裝修操用艇船並代製舢板船暨添配各船應
用物件銀七千六百五十五兩六錢四釐八毫七絲三忽

一道員劉含芳添建威海衛魚雷廠大煙囪並砌置汽爐工料銀
一千三百十三兩四錢一分六釐

一旅順工程局估辦挑挖船路船池船澳引河並修築土壩埧壩

鑲砌石壩碼頭石閘等工價銀三十一萬二千五十兩二錢九分六釐一毫

一水師各船洋員製辦各項號衣褲頭巾草帽腰巾戰靴衣袋弔牀洋氈通語旗桅燈等件工料銀一萬二百九十二兩二錢四分八釐八毫二忽四微

一大沽水雷營洋教習代製弁兵勇丁號帽衣褲戰靴包巾旗幟等件工料銀二千五百七十兩九錢三分五釐一毫四絲九忽四微

一北塘水雷營洋教習代製弁兵勇丁號帽衣褲戰靴旗幟等件工料銀一千十一兩四錢九分七釐三毫二絲一忽九微

一旅順口水雷營洋教習代製弁兵勇丁號帽衣褲包巾戰靴旗幟等件工料銀一千二百八兩三錢七分二釐四毫七絲八忽九

微

一山海關水雷營洋教習代製弁兵勇丁號帽衣褲戰靴旗幟等件工料銀八百七十一兩一錢三分九釐六毫九絲六忽七微

一軍械所製造各號黃龍旗幟工料銀六百五十一兩二錢八絲七忽六微

一守雷下雷小輪船守凍包紮船面及搭蓋住棚需用席繩等項工料銀一百九十一兩六錢九分六釐三毫四絲九忽

一新城葛沽營領操礮位礮費銀五百十六兩

一駐防山海關正定練軍營領操礮位礮費銀二千三百二十五

兩九錢一分四釐

一義勝營領操礮位礮費銀一千三百二十九兩六錢九分七釐

五毫

一旅順口各營領操礮位礮費銀一千三百三十一兩二錢

一護軍營人字牆安設礮位操礮費銀七百四十八兩

一駐海口保定練軍左營領操礮位礮費銀六百二十兩

一北塘防營領操礮位礮費銀二百四十六兩四錢

一山海關甯海城等處安設礮位操礮費銀七百十八兩四錢

一大沽防營並雷艇領操礮位礮費銀一百二十五兩七錢九分

九釐

一北洋水師各船艇及機器魚雷等廠燒用煤斤價銀十一萬九

千二百二十六兩九錢一分九釐三毫

以上各款應歸工部核銷

統計全單共開除銀三百二十九萬五千八十二兩七錢一分三釐四毫三絲七忽五微

實存項下

一應存銀九十二萬八千七百二十七兩六錢一分一釐五忽二微已接支十一年以後用項無存另行開報

近省隄河工費片

光緒十三年十一月二十六日

再附近省城河道隄工或工段縣長或地居險要皆關民生利害
必須認真修防前經奏定每年於清河道庫河淤地租墾船祿夫
生息項下撥銀三千兩以爲各工采購料物搶修之用免其造冊
報銷經工部覆准仍令工竣時開單奏報嗣因地租生息不敷動
支奏准於藩庫旗租項下撥換在案光緒十三年開凍後卽飭照
數撥給購備椿料實成清河道劉樹堂駐工督辦伏秋大汛內雨
水過多各河屢次盛漲險工疊出大清河趙王河瀦龍河大溜洶
湧拍岸盈隄西淀爲眾水匯歸易長難消屢將千里隄撞擊塌剝
其雄縣趙村大壩亦隨鑿隨淤均經該道督率印委分投設法搶
護一律竣事據該道會同藩臬兩司將工段丈尺動用銀數遵照
定章詳報前來除民夫土方等項仍歸民辦外所有搶修椿料用

款覆核無浮理合開具簡明清單附片具陳伏乞
聖鑒敕部知照謹
奏

漠河金廠章程摺

光緒十三年十二月初五日

奏爲黑龍江漠河金廠擬定官督商辦詳細章程以開利源而杜邊患恭摺密陳仰祈

聖鑒事竊臣前准軍機大臣密寄光緒十二年十二月二十八日

奉

上諭恭鏜等奏漠河金廠亟宜舉辦一摺黑龍江漠河山地方上年曾有中俄匪徒過江偷挖金礦自應及時開采以杜外人覬覦著李鴻章遴派熟習礦務幹員迅往黑龍江隨同恭鏜認真勘辦如津滬殷實各商有情願承辦之人並著飭令同往俾可圖成另片奏吉林候補知府李金鏞熟悉礦務請飭派往會辦等語卽著希元轉飭赴黑龍江會辦等因欽此仰見

聖明思慮豫防籌邊興利之至意臣查漠河金礦出產頗旺往年

俄人越境開采華商開往收買金沙自光緒十一年秋開派兵驅逐孽芽未淨疊撥出使大臣劉瑞芬而稱俄國官商仍思集股采取若不及早籌辦久必爲人佔據貽患匪輕惟地處極邊集資不易得人尤難當經恭鏜奏派道員用候補知府李金鏞前往查勘所有勘礦及籌辦大略情形恭鏜已於本年九月奏明飭李金鏞來臣處稟商一切擬定詳細章程由臣先行具奏在案該員於十一月杪來保定面稟據呈章程十六條臣逐一覆核皆該處開礦應辦之事其中自備輪船開通陸路募勇保護招回流民四條於邊防尤有關係現擬仿照西國公司之法招集股本二十萬兩先行試辦惟近日商情困敝股分驟難集成據該員聲稱年內外趕緊勸集約不過六七萬金合之恭鏜籌借庫款三萬兩僅得其半北洋庫儲支絀無可騰挪適有天津商人情願出借當即由臣代

借十萬兩以足二十萬之數一俟股分招齊將借款陸續繳還將來開辦後所獲餘利除開支局用官利外當以十成之三星交黑龍江將軍衙門報充軍餉應用礦師詢據山東平度州礦局道員李宗岱電稟該局礦師美國人阿魯士威明年四月內可往漠河察勘一面購置機器建造廠屋以備剋期開工前奉

諭旨敕臣遴派幹員迅往勘辦臣查李金鏞血性忠勇不避艱險向本隨臣辦事經前吉林將軍銘安奏奏辦理春墾務兼理中俄交涉事件先後將及十年邊情最爲熟悉此次勘礦之便恭鏜派赴精奇里江南岸與俄酋釐定四十八旗屯地界尤能力持正議動合機宜現與恭鏜往返面商擬即飭令該員總辦礦務該廠地處極邊驛程稽滯除重大事件應稟商黑龍江將軍酌奪其餘一切准由該員相機妥辦以專責成竊惟金礦之興數十年來競推美

之舊金山英之新金山及俄之悉畢爾部皆係荒地開采以後日
臻繁殖遂成都會新舊兩金山近年出金漸少而耕牧之利代興
惟俄猶擅此爲國大利查漠河一帶山脈正接俄境悉畢爾諸山
據稱金苗長及五百里李金鏞所呈金樣成色尙佳中外謂爲金
穴似非無據從來疆場之閒常以虛實爲強弱俄自嘉慶季年創
開金礦逐漸締造至道光咸豐之際尼布楚遂爲雄城已有駸駸
東偏之勢其時中原多故未暇兼營遂至以彼之實乘我之虛侵
我邊陲如涉庭戶今之新界三面斗入僅隔一江彼方治兵招礦
並議自阿穆斯克至烏蘇里海參崴一帶興築鐵路縣互黑龍江
吉林東北伺隙蹈瑕意殊叵測漠河奇乾河之閒尤所注意漠河
距將軍都統所駐均極爲遠而齊齊哈爾墨爾根兩城且隔在內
興安嶺之南若不及早經營誠爲可慮夫實邊之計在人聚人之

計在財該處林木富饒地氣本旺特以極邊寒苦千餘里荒僻絕
無人煙若金礦一開人皆趨利商賈駢集屯牧並興可與黑龍江
北岸俄城聲勢對抗外以折強鄰窺伺之漸內以植百年根本之
謀且因此自行輪船則江面不令獨佔開通山路則軍府不至遠
懸此皆防患未萌而不容稍緩者也現在開通運道工程尤爲緊
要必須借資兵力應請

敕下黑龍江將軍會商練兵大臣派兵一二千名隨往調遣至經
辦各員涉歷險遠創造艱難將來著有成效應將出力人員懇
恩准予從優保獎以昭激勵謹將李金鋪籌議章程十六條照繕
清單恭呈

御覽除咨總理各國事務衙門查核外所有議辦漠河金礦緣由
理合會同署黑龍江將軍臣恭鏜恭摺山驛密

奏伏乞

皇太后

皇上聖鑒訓示遵行謹

奏

謹將候補知府李金鏞等議黑龍江金廠公司章程十六條
繕具清單恭呈

御覽

計開

一設局宜統籌也雇礦師購機器蓋房屋置車輛買牲口設碼頭
招流民募勇丁造輪船開山路事多用繁非籌足資本無從入手
惟近年南北災荒勢難剋期集事今擬先招商股二十萬兩惟恐
一時難齊仰蒙北洋大臣李保借商人銀十萬兩又蒙黑龍江將
軍恭籌撥庫銀三萬兩此兩款應俟招股齊時先行繳還
一股本宜招集也南中近年市面蕭條其殷實之家固尙不少或
因他處之礦得手無多不免裹足不知漠河金沙已爲俄人確著
明效然恐各情多疑故先借款創舉以期其信凡官紳富商同抱

公忠必有樂助其成者應仍招股集資辦理現議籌本二十萬兩分作二千股每股收天津行平化寶銀一百兩如交上海規元每股收一百零六兩填發股票一張息捐一扣認票不認人一股至百股均可附搭擬於上海天津吉林等處遴派妥友設立分局招徠俟股滿卽行截數長年官利七釐均於次年端節憑摺支付屆期先應匯銀至各分局就近支付以免輾轉遠寄卽將來得金亦運往各分局銷售

一開辦宜定地也勘得漠河在愛琿之西江道一千五百餘里是處起旱七十里卽達金廠地名元寶山兩邊帶坡高山中間有溪河一道寬一丈至丈三四尺不等昔年俄人卽在此溪兩邊盜挖五六年已挖長十四五里惟溪身正脈尙未挖及西至奇乾阿勒罕等河均二百餘里東至阿木爾河下游口三百餘里據俄人云

此道金脈自額爾古納河西山發源經奇乾阿勒罕直至阿木爾河下游計長五百餘里奇乾河與阿勒罕阿木爾河均有挖跡可指俄人所稱脈長五百餘里或非無因須俟美國礦師前往試鑽扞探方知確鑿茲擬就昔日俄人盜挖之處先行開辦俟辦有成效其奇乾阿勒罕等處可次第辦理卑府前此赴漠河所得金樣卽在溪邊之殘沙內淘出經美國化學師樂百時化煉計一千分中得淨金八百七十一分銀七十五分鉛硫磺鐵五十四分據該化學師稱此金可與美國舊金山之金並埒云

一礦師宜安延也旣用機器卽不能無礦師說者以爲雇用工頭較礦師爲廉然工頭僅熟機器不識金脈非老於礦學者未易推測況漠河金廠尙有數處擬一面開辦一面卽四出相度而工頭仍須雇用惟向來泰西礦師聲價自高居處飲食性喜侈靡本公

司事事核實兼之僻在荒漠須耐艱苦宜擇用西國礦師之肯耐勞耐煩者自總辦以下祇能與廠中司事同其隆殺有功則賞有過則罰雖礦師所用之通事人等亦不能任其迴護如熱河礦師之哲爾者平度礦師之阿魯士威皆有本領延訂合同內聲明到廠後如無明效不拘年限卽行辭換

一事權宜歸一也竊以開創之事雖邊疆之事更難邊疆而兼開創之事難而又難漠河金廠去齊齊哈爾省城陸路幾二千里內多人跡未到之地凡有公文要件須派人專送或附俄輪送至愛琿驛站轉遞往返極速亦須三四十日凡遇風雪雨雹更難定期該處與俄界一江之隔俄人久在漠河竊挖今一旦收回俄人耽耽逐逐之心尤所莫測此後交涉事件勢必常有遠道稟商誠恐緩不濟急可否遇有小事卽由卑府相機酌量妥辦其重大事件

仍稟商北洋大臣黑龍江將軍核奪

一輪船宜自備也黑龍江本隸中國版圖今則爲俄人獨行之江
由於我無船也所設駐防僅東有愛琿一處其西至額爾古納河
一千七百里如入無人之境雖新設卡倫二十處兵力極單山深
路遙消息難通愛琿至漠河水路一千五百里冬時猶可踏冰行
車夏則我無一舟可濟因之兵糧往來不得不借坐俄輪種種受
其挾制然此猶患之輕者其大害則在漠河金廠久爲俄人竊挖
覬覦此次卑府奉差前赴黑龍江左分界俄員醇醇以稅租金廠
爲託今我一旦開采彼不必逆好興戎祇須輪不我借卽糧無可
運金廠中人便有束手待斃之慮反覆籌議必須自備輪船庶幾
有恃無恐且於邊防信息亦可靈捷惟黑龍江海日久爲人有如
輪船由他省置造苦無海口可入祇得商請吉林機器局代造小

輪船二隻一上一下專以拖帶駁船爲主造成後可由松花江轉入黑龍江直達漠河查松花江上抵黑龍江之水道淺處不過四五尺小輪喫水當以四尺爲度可期往來適用並擬製造十二槳之小長龍船四隻以濟輪船之不及且可往來梭巡江面再黑龍江二千里內尙未探得產煤之處俄國輪船往來俱用木柴代煤故江左沿江每距三五十里卽有一村村民砍木存儲供賣俄輪之用江右絕無居民我輪往來用柴不便擬稟請黑龍江將軍恭將原設之卡倫一律整頓就飭各卡兵一體砍儲木柴待用立定章程給予價值卡兵儲木不得缺誤輪船給價不得短少行船半年核計每卡可得市錢數百千該兵有此分外出息當以卡倫爲優差不但不視爲畏途抑且爭從其事矣

一機器宜購置也產金之處地氣嚴寒夏秋之間積雪始化掘地

四五尺堅冰如鐵金生於沙沙凝於冰須先融冰而後得沙淘沙而後見金工作非易若全賴民夫則費力多而見功難佐以機器則吸水淘金事半功倍且人夫少用則良莠易辨不使無業莠民聚而成黨其利一人夫少用則稽查易周不致有藏匿影射偷漏等弊其利二人夫少用則工價可省且該處無煤而有樹或用木柴或燒木炭皆極便易惟此項機器必須購自外洋幸漠河之沙金與礦金不同所用機器無多僅需吸水淘金鑽地等件每副價值亦不甚鉅但定購之時宜加詳考須求其至精至堅可適久用者以免停工待修虛糜貽誤

一用人宜慎選也開辦一事尤在襄助得人惟黑龍江爲遼遠苦寒之地漠河更遠更寒內地有用之才孰肯謀食於負罪謫戍之鄉而鉅細諸務非賴羣策羣力不克相與有成今欲任用得人非

豐薪優獎不足養其家而得其力所有監工稽查辦糧押運文案收支等事宜均關重要俟三年有成實效昭彰擬請擇其尤爲出力者照異常勞績詳請從優保獎以資觀感漠河一帶千餘里無人煙艱險勞苦勝於內地十倍且開辦金廠既藉以防邊又可抽助軍餉二者均關軍

國大事非破格獎勵實不足昭激勸也

一流民宜招回也查工作之役應招土著之民漠河金廠地屬遐荒民無土著前有流入俄境之華民卽昔日俄人盜挖時招集之華民也

當時俄人從海參崴恰克圖等處雇覓山東直隸之民

若輩開礦尙稱熟手自官兵

驅逐後絕其歸途俄人仍收作傭工輩輩之眾誰不思歸不得已而易服從人以圖生命陵辱威嚇困苦備嘗今擬招回此項流民仍爲我用並優給工食勤加約束賞罰嚴明在若輩久思仍回父

母之邦今一旦遂其所欲其悅服可知儻流民不敷遺川所有愛
瑣等處入旗苦寒之人願充斯工者亦一體招入

一陸路宜開通也查齊齊哈爾省城至愛瑣計程八百五十里自
愛瑣附俄輪至漠河有江道十五百里水陸兼程共二千三百五
十里若省城徑至漠河由墨爾根取道入山本有陸路可通因山
深林密向爲人跡所不到卑府親率員弁冒險直入探明捷徑漠
河去墨爾根一千五百里墨爾根距省四百五十里共一千九百
五十里復又另探一路由齊齊哈爾逕達漠河旱路僅止一千四
五百里照向來水陸兼程可近八九百里是開通運道爲急務也
惟雇募夫役經費較巨擬請撥兵一二千人除底餉外量予犒賞
開路寬以一丈爲率分哨定段限日興挑其監察一切及設渡造
橋因地制宜另議細目斯役約一年可竣工竣即可安屯綏置卡

房次第舉行且道路既通卽以此項兵丁分布要隘人煙漸集邊庭日益強固亦足消強敵覬覦之心卽不開礦亦是邊防要圖一保護宜募勇也查開辦後招集流民動以千計日夕相聚加以強鄰倡處在在堪虞存廠之款旣必不少挖出之金尤關重要漠河口現有五百兵以之駐防尙慮不足勢難調遣入廠必須另募一營卽在金廠內自行籌給口分由總辦爲統領用西法西械勤加訓練庶內可以資彈壓外可以與防兵聯爲一氣聲勢旣壯礦務邊務兩有裨益

一司帳宜公舉也錢財出入爲金廠之根本況屬公司尤宜公辦主廠者不當兼理錢財致涉嫌疑今擬將收支事務由股本最大者公舉保薦平素誠實有望之人然後延訂將來如有虧空舞弊等情一經查出惟原薦主理直認賠補卽在股本凡經理銀錢非任

勞任怨者不能稱職儻有人商借挪移自當破除情面一概回絕
卽如總辦員司等除每月初二日給領薪水外亦不得透支分文
以重公款

一股友宜助理也凡入股之友皆與廠中有維繫之勢議定萬金
之股或自駐廠或派人駐廠以便監察金銀出入如廠中有合宜
職司自當量才派事開支薪水如不諳公務或無職司可派僅能
供給火食不送薪水祇可在廠查察帳房侵虧浮冒等弊他處公
事不得與聞卽司帳之人於銀錢有出入不當處亦宜通知總辦
核奪至於未滿百股之友亦有三四千金摺入者准其二三人湊
足百股公派一人到廠監視以憑其信其餘零星股友均不得援
以爲例

一局用宜節省也所用各員司人等按其責任之輕重才能之大

小酌定薪水之多寡既不失之於刻亦不失之於寬卽因邊地苦寒非重祿不足以勸士然少用一人則費自省矣至局中飯食油燭芯紅筆墨紙張雜用一切等項必須實用實銷不得浮開浪費致使公本虛糜如各員司因公他往無論遠近車馬等費由局動支至因一己私事出外由本人自備事事皆歸實濟凡收支各帳周年彙齊刊刻清冊分送各股友閱核以憑徵信並呈報北洋大臣黑龍江將軍查覈

一盈虧宜預計也開辦一年後出金果旺獲利果多是公司與股友幸事如無盈餘亦未折耗在股者一時不准提本祇准招人接替更易姓名調換股票息扣萬一股本有虧折之處由總辦稟知北洋大臣黑龍江將軍並函商股分最大者定奪辦理不參私意當取公評以爲行止

一餘利宜分派也金廠開辦後每日所得金沙由監工稽查同送至收金所經主廠者眼同兌收登冊蓋戳聚總鎔鍊成條運售津滬各處按月一小結周年一總結其得金沙合銀若干兩除將借款陸續提還並將官利及員司礦師薪水局費夫役護勇工食一切開支外若有盈餘作爲二十成分內交黑龍江將軍衙門六成報充軍餉商股十成本廠員友司事花紅四成在廠之人自總辦及員司夫役等皆得均沾酌賞計人計功不得使有一人向隅

南運河開各工請獎摺

光緒十三年十二月初十日

奏爲挑濬直東之南運減河並另建閘座修築隄橋各要工防守
大汛一律竣事遵保尤爲出力各員恭摺仰祈

聖鑒事竊前因直東境內南運各減河久廢每遇大汛盛漲沿河
險工疊出屢爲畿南之患雖於靜海縣之靳官屯新闢減河一道
惟分洩尤重上游須開通東境恩縣四女寺原有減河使其另途
歸海乃爲釜底抽薪之計經臣等會商遵派直隸候補道金福曾
詳細勘籌應自恩縣四女寺起經德州至直境吳橋甯津南皮鹽
山慶雲又入東境樂陵海豐逐節挑挖並將河頭壩基移進數十
丈另築新基改壩建閘及修築隄埝橋梁等項估需銀十餘萬兩
擬由臣等合力籌款責成金福曾督同兩省印委各分段落招集
災民酌給方價以工代賑事竣將出力各員援照河工獎章擇尤

酌保當於本年二月會奏奉

硃批著照所請該部知道欽此欽遵在案開凍後卽飭分投興辦
五六月間陸續報竣臣等各派員前往驗收相符計減河在東境
者恩縣德州樂陵海豐四州縣工長二萬一千七百六十餘丈在
直境者吳橋甯津南皮鹽山慶雲五縣工長三萬三千六十餘丈
計兩省工長五萬四千八百三十丈挑寬八丈至十一二丈就地
勢高下挑深一丈及三四尺共挑土一百二十萬一千餘方又河
頭改建五孔石閘一座每孔寬一丈六尺進深三丈閘牆四座並
上下石海墘灰海墘雁翅馬頭束水石牆又直東境內隄橋各工
暨南皮甯津之甯津河隄統計工程甚鉅汛前一律趕辦竣事南
運河來源過旺六月以後疊次盛漲且因借黃濟運黃水壓山閘
河灌注入運疊據稟報四女寺閘口水漲至一丈九尺餘情形喫

重隄岸岌岌可危當飭啟閘洩歸減河滔滔下注直至海豐併入海口正河水勢頓平八月初十日前後黃水灌注益多尤爲近年所未有而上下數百里運道皆化險爲夷實賴新開減河通暢洩水得力所致兩岸共慶安瀾附近河灘碱地亦可耕種海口運貨船隻直抵慶雲以上小井且上至閘口商民稱便於畿南水道民生裨益匪細惟挑河工段過長土方至一百二十餘萬又多老沙堅結畚鍤難施其建閘築隄修橋亦極繁重是以需員較多用力增倍該員等自去冬估辦至本年五六月工竣歷時七八月之久不避寒暑胼胝經營勞苦特甚又防守大汛分投搶護使減水暢消沿河胥免昏墊洵屬異常出力若照部議僅按局務勞績請獎虛銜等項不足以昭激勸此河關繫畿南兩省利病甚鉅非尋常一隅挑築可比應請仍遵前奉

命旨按照河工獎章核辦飭據金福曾擇尤開保前來除履歷冊咨部外相應繕單敬呈

御覽仰懇

天恩俯准照擬給獎三品銜直隸候補道金福曾統籌督率調度有方並請

賞給二品銜其應給千把外委各弁照章咨部註冊謹合詞恭摺具陳伏乞

皇太后

皇上聖鑒訓示謹

奏

永定河仍擬堵築片

光緒十三年十二月初十日

再欽奉光緒十三年九月十八日

寄諭李鴻章奏永定河南七工漫口現在若就原口堵築及就南隄外改道均屬工艱費鉅驟難辦理自係實在情形著熟思審處或仍歸故道或別立隄防務求一經久妥善之策奏明辦理等因欽此遵查南七工西小隄四號漫口前因工艱費鉅猝辦恐難穩固且封凍前已起辦不及是以暫緩興工本非決而不塞欽奉前因疊經督飭前署永定河道金福曾現任永定河道方濬師連月周歷查勘該河中洪既甚高仰如就南隄外之老南隄內改走老南洪雖水流暢順但老南隄內數十村莊無處移置且大溜直衝淀河將被淤塞若聽其漫入現行之信安窪勻散沙泥使清水下歸東淀本係天然形勢惟水所經過各村地難耕種民情不願以

上兩策皆有窒礙此原摺已詳細聲明者或又擬挖開北七工大
壩改走北洪乃黃花店以下舊爲母猪泊沙家淀早已淤成平陸
占爲民業下口不通亦難置議再四籌度惟有仍堵南七工西小
隄口門該處距北七工大壩甚近河身過窄防守不易今擬廣挑
引河並自南八上汛十五號起改向北面斜趨折而東下避出下
八汛險工冀得順下行疾之益藉輕偏隄橫突之勢仍歸韓家墅
故道出口其南八下汛尾閘旱口亦卽設法堵閉查永定河身自
乾隆嘉慶以後淤墊已久下口停沙水流不暢今又歷百數十年
前人譬之於牆上築夾牆行水實乏經久妥善之策臣遵
旨熟思審處目前補偏救弊舍仍歸故道酌改引河辦法無可他
求刻值冰凍在地僅能約略估計俟明春凌汛後再就水勢河形
逐細勘籌一面相度機宜奏撥款項次第興作卽責成金福曾方

濬師督同員弁妥實經辦惟口門寬至二百丈河坎抽深至二丈
引河長至七十餘里實屬工大費鉅除酌調淮練各軍協挑引河
外仍需銀十數萬兩容臣督飭司局竭力挪措以應急需至被水
村莊業由臣與府尹臣分別籌款撫恤所有永定河南七工漫口
仍擬就原口堵築酌改引河下歸韓家壑出口緣由合先附片覆
陳伏乞

聖鑒訓示謹

奏

機器局報銷摺

光緒十三年十二月十四日

奏爲天津機器局光緒十一年分動用經費各款遵照新章造冊報銷恭摺仰祈

聖鑒事竊查天津機器局經費奏明動撥津海東海兩關四成洋稅暨由戶部月撥邊防餉銀一萬兩截至光緒十年分止業將支銷款目遵照部定新章造冊奏報經部核復准銷並將十一年分支給薪工建蓋廠屋等款分別咨部立案茲據該局司道沈保靖等督同承辦局員將十一年應行造銷之冊分晰開報計上屆存銀四萬七百六十八兩零本屆十二箇月共收洋稅部餉及各省撥還銀三十五萬六千六百七十九兩零共用銀二十九萬四千六十六兩零應存銀十萬三千三百八十一兩零業經購料等項動用內有定購造藥機器應歸付清價腳之年造報者又有添建

製藥各廠房工價應歸工竣之年造報者所有本屆動用各款仍
照向章各歸各冊計全案收支總數及員弁司事工匠夫役人等
薪工爲第一冊購辦物料續建工程及核付保險運腳等項爲第
二冊收支物料分項造報用存物料作爲十二年分舊管爲第三
冊製成軍火撥發各項爲第四冊外撥各船薪糧物料及行營製
造局用料爲第五冊神機營並總理各國事務衙門撥用器料爲
第六冊其製成軍火一項歷屆造冊呈送總理各國事務衙門備
查茲仍循舊造報查十一年分法越事雖漸平而上半年海疆未
靖籌防喫緊必須添購物料加做夜工造造軍火以期無誤調撥
兼之北洋水師各船及各口礮臺大礮需用德國新式火藥選募
洋匠建葺廠房故用款較常年稍增至製造各項器物皆仿洋式
難以例價相繩循照歷屆章程實用實銷並無絲毫浮冒詳請具

奏前來臣查該局所呈各冊覆加確核委係核實動支毫無虛飾
止洋籌辦海防拱衛

畿疆關繫重要疊奉

諭旨整頓擴充歷久不懈現創練水師續添鐵艦快船魚雷艇等
項軍火撥用日繁該局爲海防水師取給之源不得不設法經營
以免缺誤但必經費應手乃可勉力支持該局應領部款前已停
止僅指津東兩關四成洋稅所短甚多彌形竭歷本年經海軍衙
門奏准由戶部於洋藥稅釐併徵項下每年撥銀十萬兩已較從
前部餉減給二萬兩現在尙未撥到應請

敕部迅速指撥以濟要需除仍督飭局員撙節動支核實經理並
將清冊分送總理衙門暨戶兵工三部查照外所有天津機器局
光緒十一年分動用經費造冊報銷緣由理合恭摺具

奏伏乞

皇太后

皇上聖鑒謹

奏

鹽商捐濟鄭工片

光緒十三年十二月十四日

再准戶部咨具奏籌備河工賑需一摺奉

旨裁撤長夫暨鹽商捐輸當商匯號交銀三條著照所請行仍著該部於附近河南各省應行解部的款先行指明劃撥應用俟所籌積有成數再行分別歸款等因欽此除長夫一條業經酌裁奏准遵辦當商匯號交銀一條亦令各地方官分投勸辦另行彙奏外至鹽商捐輸一條督飭長蘆運司賀良楨傳集綱商疊次切諭勸據眾商聲稱蘆屬直豫各岸銷數積滯交款不多商情素稱疲累近年災歉頻仍復值鄭州河決豫岸引鹽衝沒殆盡力更拮据實難集有成數惟食毛踐土目擊時艱敢不竭誠報效擬通綱勉力湊捐一次其合銀十萬兩但一時無法措繳請自光緒十四年起隨引攤捐每年約出庫引五十餘萬道每引攤銀六分計

三年即可捐齊庶有裨於公交限亦不致過迫山該運司具詳前來臣查蘆綱引岸本狹商累甚深催徵課帑已屬竭蹶今因河南工需緊要通綱集捐銀十萬兩尙能好義急公力顧大局所稱一時無法措繳擬分三年捐齊委屬實情應飭運司自來年起照擬隨引收捐專款存庫每屆年終核明總數報部聽候分撥歸款再部議此項捐銀應給虛銜封典獎敘該商等既捐鉅款自應查照部議賑捐章程隨時核給虛銜封典獎敘以示鼓勵所有勸令蘆商督捐河南工需銀十萬兩緣由理合附片覆陳伏乞

聖鑒訓示敕部查照謹
奏

陳鼎錢鼎銘附記摺

光緒十三年十二月十四日

奏爲已故司道遺愛在民據情援案奏懇

恩准附祀前大學士曾國藩保定專祠以彰治行恭摺仰祈
聖鑒事竊據保定府知府朱靖旬詳據保定府紳士張清元等先
後稟稱原任清河道陳鼎升任藩司錢鼎銘實心實政民不能忘
方陳鼎之補授清河道遺缺也憫連年亢旱閭閻彫敝一意講求
吏治設禮賢館於蓮花池延攬賢紳詢訪民間疾苦卽采眾議裁
東西兩驛道班車去州縣之侵派杜丁書之弊混徭役漸輕閭閻
咸省不費其平居講易留心地理脈絡之學以府河水涸挽運艱
滯百貨不能流通乃躬至滿城縣之一畝泉察其來源以次至東
西淀擇要開濬增建閘座以利舟楫暇時勸民植稻至今一畝泉
水田有加西淀居民亦多種稻獲利者又會同藩司改冬令粥廠

爲米廠以活府河挽船無業窮民與升任臬司張樹聲議請於東西驛道及京東各要路分派勇營及練軍駐巡商民得以綏靖此陳鼎在任之實政也錢鼎銘初任大順廣道卽創辦旱賑請撥練餉大錢十萬串春借秋還寓賑於貧民閒無敢濫領者及散賑事竣則詳請頒示概免繳還窮民頓沾實惠沿河人淤未復倡捐鉅款創議疏通上游民田咸資灌溉卽滏河舟航亦由此直達天津其由臬升藩也正當北河漫溢天河兩府災民嗷嗷待哺遂親至天津隨同臣酌議賑撫章程十餘條頒行各屬卽委計用幣二十萬金核實辦理毫無虛糜全活無算並於省垣創建豐備倉廩四座其二十餘閒籌款生息采購米石以廣積儲而備緩急改設省城四關粥廠五日一放清釐庫款有條不紊旋升任河南巡撫鄰里密邇惠政時聞士民至今思之此錢鼎銘居官之實政也查省

城地方已遊

行建立前督臣曾國藩專祠擬援照前任天津道吳毓蘭附祀曾國藩天津專祠成案公懇

奏請附祀前來臣查陳鼎久在曾國藩兩江幕府贊畫機宜嗣調直隸政汲汲焉以興利除害爲務輿頌翕然錢鼎銘初以江蘇紳士乞師皖省爲曾國藩所器重建服官畿輔誠懇惻怛勤求民瘼凡所措施均於地方實有裨益臣夙與其事知之較深皆無愧循良之選相應據情籲懇

天恩准將原任清河道陳鼎升任藩司錢鼎銘附祀曾國藩保定專祠由地方官春秋致祭以順輿情而資觀感是否有當理合恭摺具奏伏乞

皇太后

皇上聖鑒訓示謹

奏

京城電報請獎片

光緒十三年十二月十九日

再京城電報局自光緒十年七月經總理衙門奏設由步軍統領酌派武弁督同旗營各兵分段巡護迄今已歷三年沿途桿綫均未損壞傳遞要報從無阻滯洵能勤慎出力據總辦電報事務道員盛宣懷詳請照章給獎咨准總理衙門轉准步軍統領衙門以所屬旗營員弁遇有各項外差向准各處給獎請由臣核辦前來除當差未滿三年及已病故無庸議並應給五品頂戴者三弁應給記名把總拔補者一弁咨由步軍統領衙門註冊外所有正藍旗蒙古步軍校達洪阿左營左安汛五品頂戴候補千總劉祥瑞等二員均請

賞換四品頂戴俾資鼓勵理合附片具陳伏乞

聖鑒敕下該衙門查照謹

奏

奏稿六十一

三

湖南捐助直賑片

光緒十三年十二月十九日

再上年順直水災待賑戶口甚眾官款不足函商南省勸捐協助旋經各督撫臣不分畛域倡勸捐集巨款源源解濟俾冬賑春撫安速辦竣業經奏蒙

諭旨將各督撫臣交部優敘其各省出力司道員紳聲明俟事竣另奏今年十月准安徽撫臣開送出力員紳已奏請給獎奉

硃批著照所請吏部知道欽此咨行欽遵在案茲准湖南撫臣將尤爲出力各員開送前來查賑捐久成弩末湖南財力未充今復並顧兼籌設法勸集直賑銀二萬三千餘兩全活飢黎不少實能慷慨恤鄰力維義舉自應照案酌請獎敘湖南布政使孫翼謀統帶湖南選鋒水師各營提督銜福山鎮總兵陳海鵬均擬請

敕部從優議敘三品頂戴道銜湖南候補知府趙環慶擬請俟補

缺後以道員補用湖南試用班前補用同知劉桐封擬請俟補缺後以知府補用鹽提舉銜湖南試用通判姜炳蔚擬請加四品頂戴湖南補用知縣陳錕擬請加同知銜仰懇

天恩俯准照擬給獎以昭激勸除履歷咨部外理合附片陳請伏乞
聖鑒訓示謹
奏